

TERITORI

E torne a vierzi la vile dai ors

Il centri si cjate a Stupize e al ospite une aree didattiche e une sezion video.

E à tornât a vierzi il prin di Mai, dopo la stagjon frede, la "Vile dai ors" di Stupize, intal comun di Pulfar. Il centri al è nassût tant che base logjistiche e pont di riferiment par studiôs, apassionâts, esperts, studiôs ma ancje turiscj, scueladis e fameis par discuvierzi e studiâ il mont dai grancj carnivars che a vivin inte nestre regjon: l'ors, la linc e il lôf.

Tal prin plan, la aree didattiche cun imagjins e esplicacions su la vite dai animâi, par capî cetant che a son difondûts e cualis che a son lis lôr abitudins. Tal plan superiôr une aree cun videos che a ilustrin i studis fat fin a vuê. La "Vile dai ors" e je nasude di un projet che al viôt adun Universitât di Udin e Comune di Pulfar cu la colaborazion dal Parc Naturâl Regionâl des Prealps Juliis. La strutture, che e nas a Stupize, e je di pro-

prietât municipâl e e je gjestide de associazion "la Vile dai ors".

Dal prin di Mai e fin ae fin de biele stagjon e reste vierze la sabide e la domenic des 10 aes 18

intal nestri teritori, siôr sot ogni pont di viste, anjemò pure pe flore e pe faune".

La aree che e ospite il "Vile dai ors" e je imerzude di fat intun ambient naturâl pûr e e je base otime di partence par escursions atal teritori di Pulfar, al confin cu la Slovenie. No par cûs, intal gnûf dvd che la amministrazion comunâl di Pulfar e je daûr a fâ su la storie, lis liendis e il patrimoni artistic de Grote di Sant Zuan di Landri, a son cjapadis dentri des viodudis de splendide localitât.



plui o mancul. "L'edifici, da pît de Mont Mie, al jere stât abandonât e colât in decjadence, ma dopo al è stât ogjet di oparis significativis di miorament in graciis di un finanziament Interreg Italie-Slovenie. - al conte il sindic, Piergiorgio Domenis - Il centri 'Vile' al è impuartant parcè che al cree un turisim diviers

Viodût il grant sucès otignût des edizions precedentis, la Universitât di Udin, in colaborazion cu la associazion "la Vile dai Ors" e il Parc Naturâl Regionâl des Prealps Juliis, e organize ancje chest an la "Summer School" in "Tecnichis di monitorament e capture de faune alpine Omeoterma", dai 25 di Jugn ai 1 di Lui.